



Prifysgol Abertawe
Swansea University

Shwmae ABER tawl

CANLLAW MYFYRWYR I ABERTAW

CROESO I ABERTAW

Ar lan y môr

**MAE GWYDDONWYR, HANESWYR,
BEIRDD, PEIRIANWYR, ARLOESWYR
Y DYFODOL YN HEIDIO...**

Rydych chi wedi darllen y cyfan am yr ymchwil addysgu arobryn a safon fyd-eang sy'n digwydd ym Mhrifysgol Abertawe. Bydd y canllaw hwn yn rhoi blas i chi o'r ddinas y mae 20,000 i fyfyrwyr o bedwar ban byd yn ei alw'n gartref. Darganfyddwch y ddinas yn y dydd a gyda'r nos gan gynnwys llefydd gwych i fwyta a'r traethau prydferth ar eich rhiniog.

Felly, trowch y dudalen i ddarganfod mwy am ddinas Abertawe yn ei holl ogoniant.

CYNNWYS

- 2-3** – Pam dewis Abertawe
- 4-5** – Map o Abertawe
- 6-7** – Ble byddwch chi'n byw
- 8-11** – Abertawe yn y dydd
- 12-15** – Abertawe gyda'r nos
- 18-21** – Ar y fwydlen
- 22-27** – Yr awyr agored
- 28-31** – Chwaraeon
- 32-35** – Y Celfyddydau a diwylliant
- 36** – Sylwadau'r myfyrwyr
- 37** – Gair o gyngor
- 38-39** – Dyddiadau allweddol
- 40** – Y manteision o astudio fan hyn



5 RHESWM DROS DDEWIS

Abertawe

1. DINAS FACH. PERSONOLIAETH FAWR.

O'r Ardal Forol a'r Uplands i'r Mwmbwls gerllaw, darganfyddwch ddinas gyda digonedd o swyn a llwyth o gymeriad.

2. AR EICH RHINIOG.

Y dref, y traeth, y campws...mae'n gyflym ac yn hawdd cyrraedd bob man. Os am fentro gam ymhellach, dim ond dwy awr ydym ni yn y trên o Faes Awyr Rhyngwladol Bryste.



3. AWYR IACH.

Cyfnewidiwch strydoedd y ddinas am olygfeydd teilwng i fod ar Instagram gyda Bae'r Tri Chlogwyn, Rhosili a'r Bannau Brycheiniog i ddechrau arni.

5. RHOWCH EICH FFYDD YN YR ARBENIGWYR.

Pam dod i Abertawe? Gofynnwch i'r myfyrwyr. Maen nhw'n caru byw ac astudio yma cymaint, mae'r Brifysgol yn rhestr y 17 prifysgol orau yn y DU o ran bodlonrwydd myfyrwyr yn Arolwg Cenedlaethol y Myfyrwyr. Da ynde!

4. DIGON I'CH DIFYRRU.

P'un a ydych chi wrth eich bodd â chwaraeon, yn lleibwyr diwylliant neu'n mwynhau antur awyr agored, fe fydd digonedd i'ch cadw chi'n brysus rhwng darlithoedd.

GAN FOD DAU GAMPWS GWYRDD
AR YMYL UN DDINAS FYWIOG,

DYMA'CH CAM CYNTAF I

Ddyfodol disglaair



MAE ABERTAWE:

4 awr o Fanceinion, Bangor a'r Rhyl
3 awr o Ddolgellau a Llundain
2 awr o Aberystwyth a Bryste
1 awr o Gaerdydd

Mae'n hawdd cyrraedd meysydd awyr
Caerdydd a Bryste o Abertawe hefyd!

PENRHYN GŴYR

Traethau baner las – o gildraethau hamddenol, sy'n berffaith i adolygu ynddynt, i fannau gwych am farbeciws ar y traeth. Gŵyr yw'r maes chwarae delfrydol ar gyfer anturiaethau awyr agored.

Y MWMBLS

Beiciwch, lonciwch neu grwydrwch ar hyd y promenâd o Barc Singleton yr holl ffordd i'r pentref glan môr hynod, hen ffasiwn hwn... a'r hufen iâ gorau yn y dref.

CAMPWS PARC SINGLETON A CHAMPWS Y BAE

Gwyddonwyr a gwyddonwyr cymdeithasol, arlunwyr a ieithyddion, meddygon uchelgeisiol a pheirianwyr ysbrydoledig; ni waeth ar ba gampws rydych chi arno, gallwch gael profiad o'r cyfleusterau gwych i fyfyrwyr yn y Bae ac ym Mharc Singleton.

Y MARINA A'R ARDAL FOROL

Pan fydd y môr yn galw, does unman gwell. Dewch fan hyn am noson fawr, bariau a hyd yn oed brecwastau 'bore wedyn' mwy o faint.

Dod o hyd i'ch Llety



CHI BIAU'R DEWIS

Pan ddaw'r amser, gallwch wneud cais am:

- Hunanarlwygo (os oes arnoch awydd ddod â'ch peiriant tostio brechdanau)
- Ystafell sengl ensuite, ystafell dau wely sengl neu fflat a rennir
- Ffyrdd hyblyg o dalu – ar-lein, trwy ddebyd uniongyrchol neu daliad un tro

Felly, pa le sydd orau ar eich cyfer chi? Wel, mae egin beirianwyr a myfyrwyr rheoli'n benodol yn tueddu i fyw ar Gampws y Bae neu'n agos ato ac mae meddygon dan hyfforddiant yn mynd am Dŷ Beck, er enghraifft. Mae popeth o fewn cyrraedd llwybr y bysiau, ond mae modd parcio wrth rai neuaddau hefyd. Os nad ydych yn hoffi byw mewn ardaloedd bywiog, mae ardaloedd tawel a di-alcohol ar gael. Mae llety penodol ar gael ar gyfer siaradwyr Cymraeg – cofiwch nodi eich dewis yn glir ar y ffurflen gais!

Am fwy o wybodaeth, ewch i: abertawe.ac.uk/llety

**LLETY WEDI'I
WARANTU**
OS GWNEWCH GAIS
CYN 30 MEHEFIN

**I FYFYRWYR ISRADEDDIG
AMSER LLAWN NEWYDD**

Campws Parc Singleton

(hunanarlwygo) £116-£145 yr wythnos

Campws y Bae

£85-£188 yr wythnos

Tŷ Beck

£99-£193 yr wythnos

Pentref Myfyrwyr Hendrefoelan

£89 yr wythnos

*Gwiriwch y prisiau cyfredol ar ein gwefan

CARTREFOL!



"Mae'r ffaith fy mod i mor agos at y traeth o Gampws y Bae'n golygu y gallaf fynd yno unrhyw bryd rydw i eisio er mwyn gweld yr haul yn gwawrio neu'n machlud"

Radhika, Peirianeg Gemegol





Abertawe

YN YSTOD Y DYDD

TEITHIO



Hyfrydwch Abertawe yw y gallwch gerdded neu feicio i'r rhan fwyaf o leoedd yn y ddinas (a'r arfordir hyd yn oed) o'r campysau. Ond os ydy hi'n bwrw glaw neu os oedd ddoe yn 'ddiwrnod coesau' yn y gampfa, neidiwch ar Unibus glas. Maen nhw'n rhedeg am saith niwrnod yr wythnos ac mae tocyn tymor yn golygu teithio ar fws am ddim rhwng Abertawe a Chaerdydd.



I'R RHEINY SY'N HOFF O FOD ALLAN

Bydd babanod dŵr yn caru 360 Chwaraeon Traeth a Dŵr. Beth am roi cynnig ar geufadu môr, rhwyf-fyrddio ar eich traed neu farcudfyrddio? Neu rhowch drefn ar eich ciciau allan a'ch cicfflipsenni gyda gwersi syrffio.



DARGANFYDDWCH GARTREF HANESYDDOL

Dylan Thomas

I GAEL YCHYDIG O DDIWYLLIANT...

Ar ddiwrnodau glawiog, cysgodwch yn Oriel Glynn Vivian neu'r Mission Gallery yn y dref neu Ganolfan Celfyddydau Taliesin a'r Ganolfan Eifftaidd ar y Campws. Dylai'r sawl sydd wrth eu bodd â Llenyddiaeth ymweld â chartref ein mab lleol, Dylan Thomas, o leiaf unwaith hefyd.

Cartref Dylan Thomas, y Boathouse yn Nhalacharn
Gweithiodd yn y Sied Ysgrifennu uwchlaw'r Boathouse gyda'i olygfeydd rhyfeddol ac ysbrydoledig o bedwar moryd.



Y GORAU O'R GLANNAU

Allwch chi ddim curo'r Ardal Forol am goffi (neu goctels) wrth y môr. Yn ogystal â thameidiau i fwyta a bariau rhesymol, mae'n gartref i Amgueddfa Genedlaethol y Glannau, sydd am ddim!



AM HWYL

Ewch i'r pier Fictoraidd yn y Mwmbwls i gael hwyl yr oes a fu'n chwarae'r slotiau arian neu'n ymlacio ar y traeth cerigos gyda chôn 99. Mae Bae'r Freichled rownd y gornel hefyd.





Abertawe

GYDA'R NOS



AR Y CAMPWS

Diva's yw clwb nos Undeb y Myfyfwrwr, gyda diodydd rhad a'r clasuron cerddorol. Mae nos Fercher yn noson fawr i'r timau chwaraeon a'r Gymdeithas Gymraeg. Nos Wener yw noson **Tooters**. Yn **JC's**, gallwch wyllo'r gemau ar y sgrin fawr, gwneud y cwis tafarn ar nos Sul neu gymryd rhan yn y noson microffon agored ar nos Fawrth. Os rydych ar y Bae, **52 Gradd** yw'r lle i chi gyda chwis tafarn ar nos Sul a noson microffon agored ar nos lun. Oes gwell gennych dafarn bentref hen ffasiwn yn lle mae gennym ein tafarn ein hun, sef: **The Wonky Sheep**. Mae'n cynnal cwis tafarn sy'n cystadlu gydag un **JC's** a **52 Gradd**, lle gellir ennill gwobrau, bob nos Fawrth.

Y MWMBWLS

Dechreuwch y noson yn y **Croeso Lounge** – bar caffi hynod, o arddull yr oes a fu gyda golygfeydd o'r môr o Oyster Wharf. Mae'r bwyd yn wych, y gwin yn rhesymol a daw rhai o'r coctels mewn piseri mawrion. Wrth sôn am win, nid yw **Cru 42** yn rhy bell i ffwrdd – gyda chwrw ar dap a Fizz Friday hefyd. Os am dafarn hen ffasiwn, rhowch gynnig ar y **White Rose** sydd o fewn taith gerdded fer o'r pier. Mae ganddi gwrw go iawn, nosweithiau cerddoriaeth fyw, gardd gwrw wych ac awyrgylch bywiog ar ddiwrnodau'r gemau.




PAN FYDD Y

GOLAU'N PYLU, BYDD YR HWYL YN

Poethi

Y BWS NOS



Mae'r Unibus yn rhedeg 24 awr yn ystod y tymor.

STRYD Y GWYNT

Hafan y myfyrwyr yw Stryd y Gwynt. Ewch i gael coctel neu ddau yn **Prohibition** mewn steil clwb yfed neu ddiodydd o dryc o'r 1950au wedi'i droi'n far, sef **Flickering Light**. Mae gan y **No Sign Wine Bar** hanes (arferai Dylan Thomas yfed yma) a chwrw sy'n newid yn ddyddiol, neu gallech fynd i No.6 am fyrger ac ambell i beint. Mae gan Li'l London fythau y gellir cadw lle ynddynt a bws bar hyd yn oed. Os mai caneuon DJ gyda'ch diodydd sy'n mynd â'ch bryd, bydd Idols ar nos Fercher, nos Wener, nos Sadwrn neu nos Sul at eich dant chi.

UPLANDS

Ychydig y tu allan i'r canol, mae gan Uplands lwyth o ffefrynnau ymhlith y myfyrwyr. Mae **Noah's Yard**, sy'n hwyl ac yn gyfeillgar, yn cynnwys caffi ac oriel yn ystod y dydd yn ogystal â bar. Yr **Uplands Tavern** yw'r lle am gerddoriaeth fyw ac i yfed yn yr awyr agored yn yr haf. Tra gallwch gael cwrw crefft a jin heb ei ail yn **Brewstone**. Wedi hynny, ewch i **Whitez**, sydd ar dair lefel: bar teras, neuadd pŵl a garej gyda digwyddiadau cerddoriaeth fyw (ac ardaloedd dawnsio corfforol gwyllt (mash pits)).



5

TRAETH
BANER
LAS

YN ABERTAWE

TRAETHAU
Euraidd

AR GYFER BOLIAU MAWR... A CHYLLIDBAU Bach



Y RHAI GORAU AM DDIWRNODAU BRAF:

Mae'n anodd dewis rhwng cwmni eiconig **Joe's** gyda'i rysait cyfrinachol neu 30 o flasau hufen iâ **Verdi's**. Mae'r ddau'n 'lysh' fel maen nhw'n ei ddweud y ffordd hyn.



Y RHAI GORAU AR GYFER:

CYRRI GYDA CHYD-FYFYRWYR

P'un a ydych chi'n byw gyda selogion y korma neu'r vindaloo, mae'r **Raso'i'n** wych am fwyd Indiaidd. Er gwaetha'r ffaith iddo ennill y Bwyty Sbeis Gorau yng Nghymru yn y Gwobrau Cyrry Prydeinig, mae'n parhau i fod ymhlith y mwyaf rhesymol.

HER DYN YN ERBYN BWYD

Derbyniwch her y Bwystfil Enfawr (Mega Beast) yn **Uplands Diner**: 10 tafell o facwn, 8 selsigen, 5 ŵy, 4 darn o dost, 4 tafell o fara menyng, 4 tafell o fara wedi'u ffrio, 2 deisen datws, 2 bwdin gwaed, sglodion, stwnsh tatws a chabetsh, madarch, tomatos a ffa pob. O ie, a byrgyr.

BLASAU LLEOL

Allwch chi ddim curo **Marchnad Dan Do Abertawe** am y prif fwydydd Cymreig. Prynwch gocos o stondin bwyd môr a'r pice ar y maen gorau o Bakestone – gan gynnwys y 'jami' annwyl.

HEB GIG

Os ydych chi wedi blino ar y dewisiadau llysieuol, byddwch chi wrth eich bodd â **Govindas**. Mae yno fwydlen gyfan wedi'i chysegro i fwyd llysieuol a fegan blasus.

AR ÔL GÊM

Ewch am bysgodyn a sglodion yn **Rossi's** ar ôl gweld gêm yn Stadiwm Liberty. Peidiwch ag anghofio'r saws cyrry! Neu, ewch yn gwbl Gymreig gyda 'hanner a hanner' a risol ar yr ochr.

CWRDD Â'R RHINI

Cadwch le ymlaen llaw ym mwyty poblogaidd **La Parilla**, ewch am yr achlysur lliain bwrdd gwyn llawn yn **Fairyhill** yng Ngŵyr neu dangoswch eich hun yn yr hoff le i fwyd-garwyr, **Mosaic**.

Y CHWE MAN GORAU AR gampws PARC SINGLETON

1. **BLAS** – o ddogyn o goffi cyn darlith i gludfwyd ar ffurf nwdls a pizza
2. **CAFFI GLAS** – yr hen ffefrynnau fel tatws pob a brechdanau parsel, smwddis curo fflw Fresher's a choffi Starbucks.
3. **FUSION** – bwyd byd-eang o doriad y wawr i'r cyfnos er mwyn hel atgofion am deithiau'r flwyddyn o fwlch.
4. **TALIESIN** – y caffi delfrydol i ddal i fyny sy'n gweini cacennau cartref, cawliau cartrefol a saladau a pizzas.
5. **CALLAGHAN'S** – yn ddelfrydol os oes angen i chi adolygu dros frechdan gyda digon o fyrddau tawel.
6. **HOFFI COFFI** – ymlwybrwch allan o'r llyfrgell yn syth i hafan COSTA.



PEDWAR O'R GORAU AR gampws Y BAE

1. **Y CORE** – steil bwyd stryd: ewch i gael y clasuron cartref yn **Cegin**, bwyd cyflym ffres yn **Koop** (rhowch gynnig ar y cyw iâr wedi'i ffrio) a phlatiau wedi'u hysbrydoli gan Asia yn **Stryd**.
2. **52°** – ewch am gwrw, gwydraid o win coch a danteithion blasus o'r bar caffi hwn gyda theimlad tebyg i warws.
3. **COFFEEOPOLIS** – frappes, lattes a'r holl ffefrynnau Starbucks, yn ogystal â phaninis.
4. **BAR-GAFFI A BWYTY'R NEUADD FAWR** – ar gyfer platiau rhannu a tapas, cwrw a gwin...gyda golygfa odidog.



EWCH I ARCHWILIO

Penrhyn Gŵyr

ARDAL O
**HARDDWCH
NATURIOL
EITHRIADOL**
GYNTAF Y DU


Mae Abertawe ar y traeth – ac mae pethau'n gwella wrth i chi fynd ar hyd yr arfordir. Mae gan Gŵyr y math o faeau na all cardiau post wneud cyfiawnder â nhw.

Mae'r Tri Chlogwyn a Rhosili epig yn hoelio'r sylw, ond mae yna hefyd gildraethau di-ri i'w harchwilio. Cwtshwch lan ar y tywod gyda phicnic neu ewch i gael cwrw a byrgyr mewn tafarn ar lan y môr.



CEUFADU

Gwelwch forlo'n agos a darganfyddwch ogofâu cudd fel Pwll Du.



SYRFFIO

Dewch â'ch bwrdd eich hun neu logwch un gan yr ysgolion syrffio ar draethau fel Langland a Caswell.



ARFORDIRA

Dringwch, plymiwch a dringwch eto wrth i chi weithio'ch ffordd o gwmpas y clogwyni.

SUT I GYRRAEDD YNO

Neidiwch ar fws Gower Explorer, gyrrwch yn eich blaen i draethau mwy anghysbell neu clymwch lasys eich esgidiau cerdded ac anelwch am lwybr yr arfordir.



**DILYNWCH NI
AR INSTAGRAM**

@PRIFYSGOL_ABERTAWE

CAMPYSAU
Glan môr

EWCH I'R BRYNIAU

I DDARGANFOD

Bannau Brycheiniog

**SYLLU AR Y SÊR
1 O DDIM OND 5 LLE**

yn y byd sydd wedi cael statws
gwarchodfa awyr tywyll rhngwladol.

Fel petai traethau arobryn ddim yn
ddigon, rydych chi o fewn cyrraedd
un o dirweddau mwyaf gwerthfawr
Cymru yn Abertawe, sef Parc
Cenedlaethol Bannau Brycheiniog.

Gyda llwybrau cerdded a beicio i fyny
mynyddoedd, dros rostiroedd a thrwy
goedwigoedd, dyma lle gwnewch
chi atgofion a fydd yn para oes. Beth
am fynd i wersylla gyda'ch ffrindiau?
Mae'r awyr tywyll yn ddelfrydol i
syllu ar y sêr (neu chwarae gemau fel
'dydw i erioed wedi' o gwmpas y tân).



OGOFA

Mentrwch dan y ddaeir a darganfyddwch
systemau rhyfeddol o ogofeydd gyda
stalactidau ac afonydd tanddaearol.



HEICIO A CHERDDED CEUNENTYDD

Ewch ar drywydd rhaeadrau yng Nghwm
Nedd neu dringwch Pen-y-Fan i gael
golygfeydd draw i Loegr.



SUT I GYRRAEDD YNO

Mae'n cymryd awr os oes gennych eich
car eich hun, neu ddwy awr os ewch chi
ar y bws i Aberhonddu. Cadwch lygad
am gymdeithasau sy'n cynnal tripiâu ar
y penwythnos.



MAE TEIMLAD O *Berthyn* I'R TIMAU

RYGBI GO IAWN



Os ydych chi wrth eich bodd â rygbi, byddwch chi'n hapus iawn fan hyn. Abertawe yw cartref y Gweilch ac, fel myfyriwr, gallwch gael gostyngiad ar bris tocynnau.

PÊL-DROED UWCH GYNGHRAIR LLOEGR



Mae Clwb Pêl-droed Dinas Abertawe'n chwarae yn Stadiwm Liberty – sydd o fewn taith gyflym ar y bws o'r campws. Byddwch yn barod i ymuno â'r 'Jack Army'.



Chwaraeon Abertawe Prifysgol Abertawe

CYMERWCH RAN

Dewch yn aelod o Chwaraeon Abertawe a gallwch ymuno yn unrhyw un o dimau chwaraeon y Brifysgol – o Bêl-droed Americanaidd a Dodgeball i Ffrisbi Eithafol a Pholo Dŵr. Yn ogystal, mae'n golygu y cewch lwyth o ostyngiadau.

CYFLEUSTERAU O'R RADD FLAENAF

Ydych chi'n ddarpar Colin Jackson neu Jazz Carlin? Rhaid i chi fynd i weld y Pentref Chwaraeon. Mae'n gartref i drac athletau rhyngwladol, Pwll Cenedlaethol Cymru 50m o hyd, caeau Pob Tywydd a wal ddringo hyd yn oed.



GÊM GWPAN VARSITY CYMRU

Abertawe v Caerdydd yw'r digwyddiad chwaraeon myfyrwyr mwyaf – a'r ornest elyniaethus fwyaf yng Nghymru. P'un a oes arnoch awydd bod yn y stand, yn y sgwad codi hwyli neu hyd yn oed yn rhan o'r sgrym, mae'n ddyddiad na ellir mo'i gollu.



MAE ABERTAWE WEDI
ENNILL
13/21
GÊM VARSITY

#GWA

TÎM ABERTAWE!

Gwisgwch grys eich Prifysgol yn falch ac ymunwch a'r Fyddin Gwyrdd a Gwyn (neu'r GWA).

AM Adloniant

I GEFNOGWYR CERDDORIAETH

O'r Manics i Neil Rosser, nid yw De Cymru erioed wedi bod yn brin o ddoniau cerddorol. Felly, nid yw'n syndod bod Abertawe dan ei sang o gerddoriaeth fyw – o sesiynau cyson mewn canolfannau lleol fel **Tŷ Tawe** i sioeau mwy o faint mewn lleoliadau fel y **Neuadd Fawr** ar Gampws y Bae.

Er mwyn cael cymysgedd eclectic gan gynnwys cerddoriaeth glasurol a cherddoriaeth byd, ceir **Canolfan Celfyddydau Taliesin** ar Gampws Parc Singleton a'r Neuadd Fawr ar Gampws y Bae. Neu **Jazzland** Abertawe – cadarnle'r sîn leol sy'n denu artistiaid rhyngwladol. O ran y sioeau mawrion, mae **Stadiwm Principality** ac **Arena Motorpoint** o fewn taith trên i ffwrdd yng Nghaerdydd.



I'R DILYNWYR FFILMIAU

Ewch i weld y ffilmiau mawrion yn Vue ac Odeon gerllaw. Daliwch y ffilmiau newydd eu rhyddhau ar nosweithiau ffilmiau Taliesin. Neu galwch i mewn i Cinema & Co i weld ffilmiau annibynnol, a ffilmiau clasurol a thramor mewn lleoliad hynod. Meddyliwch am soffas cyntaf yn lle seddau sinema, a chwrrw crefft yn ogystal â phopcorn. Ni fydd yn torri'r banc ychwaith, gyda dangosiadau i fyfyrwyr yn costio o £7 i fyny.

BLE I

**WYLIO, GWRANDO,
CHWERTHIN AC EFALLAI
MYND AR Y LLWYFAN**

Eich Hun

I SELOGION Y THEATR A CHOMEDI

Chi'n iawn... **Taliesin** yw'r lle i fynd i weld perfformiadau, o gymdeithasau'r myfyrwyr i gwmnïau theatr a dawnsio teithiol. Efallai y gwelwch comediwyr ffrinj yn hogi eu sioeau ar gyfer Caeredin yn Mozarts neu sêr stand yp y dyfodol yn **Theatr y Grand Abertawe**, y mae ei Chlwb Comedi wedi cynnal perfformiadau gan enwau enwog fel Rhod Gilbert a Sarah Millican.

I'R DEWRION

Efallai eich bod chi wedi bod yn gweithio ar eich deunydd stand yp eich hun, set wych o hen ganeuon neu rai caneuon gwreiddiol? Beth bynnag sydd gennych i'w rannu, nawr yw'r amser i ddisgleirio.

Fe welwch nosweithiau microffon agored mewn rhyw fan neu'i gilydd ar hyd yr wythnos. Dechreuwch yn **52°** ar y campws lle mae adnoddau da ar eich cyfer. Neu gweithiwch y gylchdaith yn y dref o'r **Bay View Bar** hamddenol i'r nosweithiau barddoniaeth 'unrhyw beth yn gwneud y tro' ym **Mozarts** a'r criw cyfeillgar yn yr **Uplands Tavern**.



PEIDIWCH Â CHYMRYD EIN GAIR NI

Clywch gan y bobl bwysicaf –
y myfyrwyr sy'n astudio fan hyn, nawr:



"Mae gan Abertawe'r cymysgedd perffaith o natur (y môr, y bryniau a'r gerddi) a'r ddinas, nad yw'n rhy fawr i fynd ar goll ynddi ond sydd â phopeth y mae arnoch eu hangen."

Jay, Peirianeg Fecanyddol



"Dewisais Abertawe oherwydd teimlai fel cartref oddi cartref. Gyda'r môr, y traeth a'r parciau, ymddengys fel y lleoliad delfrydol i weithio tuag at yrfa fy mreuddwydion."

Lauren, Dulliau Ymchwil mewn Seicoleg
a Niwrowyddoniaeth Wybyddol, MSc



"Yn ogystal â bod yn un o'r lleoedd harddaf, mae gan Brifysgol Abertawe rywbeth at ddant pawb, gyda'r cymdeithasau'n amrywio o ddiwylliant i chwaraeon, cerddoriaeth i'r celfyddydau ac ieithoedd."

Sunag, Mekaneg Gyfrifiannol

Y CYNGHORION Gorau

Gall y Brifysgol fod yn un o adegau mwyaf cyffrous eich bywyd. Felly, ble mae dechrau i wneud y mwyaf ohoni? Dyma beth mae myfyrwyr eraill Abertawe'n argymhell:

1. DEWCH Â'CH ESGIDIAU FFLIP-FFLOP

Hawaianas neu hen ffefrynau – pa bynnag ffordd, bydd arnoch eu hangen ar gyfer y traeth...beth bynnag yw'r tywydd.

2. EWCH I FULTON OUTFITTERS

Neu Fulton Outpost ar Gampws y Bae. Prynwch hwdi Prifysgol Abertawe er mwyn cerdded nôl o'r traeth ynddo, neu fag siopa i gario'ch llyfrau i'ch darlithoedd. Byddwch chi'n eu trysorur nhw ymhell ar ôl graddio – ni'n addo.



3. COFRESTRWCH GYDA CHYMDEITHASAU

Mae yna rywbeth at ddant pawb – o chwaraeon a'r celfyddydau i'r hynod dros ben. Gallwch hyd yn oed gydio mewn ysgub ac ymuno â'r Gymdeithas Quidditch!

4. CODWCH GARDIAU GOSTYNGIADAU

Boed yn Gerdyn Bwyta i gael cinio ar y campws neu'n Gerdyn NUS Extra ar gyfer gostyngiadau myfyrwyr mewn cannoedd o ganolfannau adwerthu a bwyd, Wythnos y Glas yw'r amser i gydio yn yr offer hybu'r gyllideb rheiny.

5. CARU'R IAITH

Allwch chi ddim â helpu'r peth. Byddwch chi'n dweud pethau fel "fair dos", "jacôs" a "wpo" mewn dim o dro.





TREFNWCH *Ddyddiad* I FYND I ABERTAWE

Mae rhywbeth yn digwydd bob dydd (a nos) fan hyn. Ond fe fyddwch chi am nodi'r dyddiadau allweddol hyn yn eich dyddiadur:

MEDI:

Symud i mewn! Gafaelwch yn eich ffrindiau newydd ac ewch allan i fwynhau'r cannoedd o ddigwyddiadau a gynhelir yn ystod Wythnos y Glas. Cofiwch gasglu ambell i beth am ddim o'r siopau a'r bariâu lleol yn ystod Wythnos y Glas hefyd.

IONAWR:

Dechreuwch eich ail semester gydag Ail Wythnos y Glas, y ffordd berffaith o ddadweindio ar ôl yr arholiadau a dyddiadau cau'r gwaith cwr.

EBRILL:

Varsity Cymru – dere 'mlaen Abertawe! #GWA

HYDREF:

Nid oes angen i chi deithio i Munich i brofi hwyl Oktoberfest – gwisgwch eich dirndl a'ch lederhosen gorau a mwynhau Gŵyl Gwrw Bavaria yn Neuadd y Brangwyn.

MEHEFIN:

Dawns Haf enwog Prifysgol Abertawe – mae fel Glastonbury bach ar y campws.

TACHWEDD:

Rhowch gynnig ar sglefrïo iâ a mwynhewch wydraid o win cynnes yng Ngwledd y Gaef ar y Glannau a fydd ar agor tan fis Ionawr.

GORFFENNAF:

Gwylwch y Red Arrows byd enwog yn hedfan dros Fae Abertawe yn Sioe Awyr Genedlaethol Cymru.



DIGWYDDIADAU LLEOL

Gan gynnwys Gŵyl Tsili Penrhyn Gŵyr, yr ŵyl Cwrw a Seidr, Hanner Marathon Abertawe, Gŵyl AberDewi a Gŵyl Liwiau Holi One ar galendr Abertawe eleni.

DECHRAU EICH DYFODOL

Disglair

Fe glywch chi bobl yn dweud hyn bob amser, ond nid gormodedd yw dweud bod mynd i'r brifysgol yn newid byd. Yn aml iawn, dyma'ch profiad cyntaf o fyw yn annibynnol, mae'n amser i chi wneud atgofion anhygoel a ffrindiau gydol oes. Ac wrth gwrs, yn gyfle i astudio'r un pwnc hwnnw sydd wir yn eich ysbrydoli chi.

ACADEMIA AROBRYN

Byddwch yn ymuno â phrifysgol gyda'r cymwysterau academaidd gorau. Mae Abertawe ymhlith 300 o'r prifysgolion gorau yn y byd yn ôl graddau Prifysgolion y Byd y Times Higher Education a Phrifysgol Gymraeg y Flwyddyn 2017 yn Good University Guide The Times a'r Sunday Times.

CYFLEUSTERAU O'R RADD FLAENAF

Campws newydd y Bae yw dim ond un o'r ffyrdd y mae Abertawe wedi bod yn esblygu ac yn ehangu. Mae'n darparu'r lleoliad gorau i fyfyrwyr weithio a chwarae ynddo mewn amgylchedd arloesol, llawn ysbrydoliaeth.

UNDEB MYFYRWYR CYMDEITHASOL DROS BEN

Holl bwynt Undeb y Myfyrwyr yw gwneud eich profiad yn y Brifysgol yr un gorau posibl. Meddylwch am 120 o gymdeithasau, 50 o glybiau chwaraeon a 12 mis o ddigwyddiadau y mae'n rhaid eu gweld. P'un a ydych eisiau mynd i fyd y cyfryngau, dechrau hobi newydd neu cael eich llais wedi'i glywed ar rywbeth sydd o bwys i chi, mae ffordd i bawb ymuno.

RHAGOLYCON GYRFA UCHELGEISIOL

Cadwch un llygad ar eich dyfodol gyda chefnogaeth Academi Cyflogadwyedd Abertawe. Cewch gyngor ar bopeth o rwydweithio i ysgrifennu'r CV perffaith. Mae Abertawe ymhlith y 15 prifysgol orau yn y DU o ran cael cyflogaeth i raddedigion (Canllaw Prifysgolion Da The Times a'r Sunday Times). Ynghyd â'r cynnydd mwyaf yng ngraddau'r DU ar gyfer ymchwil – ymhlith 23 prifysgol yn y DU, bydd cael Abertawe ar eich CV yn creu argraff fawr ar gyflogwyr.

Mae 96% o fyfyrwyr mewn cyflogaeth neu astudiaeth bellach ymhen chwe mis o raddio.

HELP LLAW

Bywyd Tawe yw'r enw ar ein gwasanaethau cymorth i fyfyrwyr – cynigia gyngor a gwybodaeth gyfeillgar, broffesiynol am bopeth o arian i les. Os bydd byth arnoch ei angen, mae help wrth law.



**ALLWN NI DDIM
AROS I GWRDD Â CHI.**
Gwelwn ni chi'n fuan.



#PrifAbertawe

abertawe.ac.uk/ar-frig-y-don

E-bost: study@abertawe.ac.uk

Ffôn: 01792 295111



Dyluniwyd gan IconCreativeDesign.com